

遜

學

齋

詩

鈔

遜學齋詩鈔卷第三

瑞安孫衣言琴西

古體詩四十四首

望南雁山

丙午

客行在深山所歷厭榛梗蜿蜒萬陂陀祇與培塿等今晨策
前塗趣覺山水永曾峯兀當前雄快始一逞離立森懸巖峭
絕倚諸嶺時有白雲來遠望飛瀑固卽目雖向遙清境固已
領豈無山中人高棲遂息影趣合常在心跡違徒矯頸行當
謁山靈素尚幸可請

仙姑巖

兩山屹重門離立若相讓細徑入修蛇蜿蜒青冥上負猛躡

前途鬪險出殊相，鏡天無雍容拔地絕。依傍半腹忽呀張，中空納眾藏前垂。覆長檐後逼森立，障冷風颯然。生日色照悽愴，復進一洞幽。窅黝不可量，頑陰闕太古。賈勇孰前向，天工有餘奇物巧。那能狀聊據圓蒲幽坐聽澗溜壯。

泛永嘉江晚至館頭

泛泛隨輕舟，依依別江岸。來峯出清新，去渚隱厓畔。回首郭公山，埤堦在天半。浮圖相參差，金碧何燦爛。撫舊思昔欣，趨新急前玩。中流得微風，煙水相凌亂。舟移荇藻飛，棹轉鳧鷖散。乘駛喜奔崩，戀奇惜屢換。漸趣回汀深，遠含夕景盱。濛濛暝煙生，日暮憩前館。

今昔行贈徐惇士同年

德元

憶昔與君初相見，謝公亭前花如霰。永嘉三月春滿城，鳴鳩乳燕皆新聲。我來看花日百匝，回鞭走馬如流星。東山下瞰一千尺，直上絕頂吹玉笙。鸞鷲驚起隔江浦，片片飛落梨花輕。挂帆遂向錢塘去，日日南風共征路。夜深看月嚴陵灘，走上釣臺更百盤。狂歌擊石弔臯羽，江風颯颯吹我寒。十千買醉吳山頂，杭州螻蟻聚萬井。吳山山頭多白雲，下渡江水如魚鱗。夜夢騎鯨掠蛟脊，雙腳蹴破銀濤渾。西湖六月紅藕花，輕舟逐浪隨傾斜。橈聲軋軋入花裏，綠酒色變如春霞。歸來滿街踏明月，更逐絃管尋吳娃。君也去作集賢客，我亦長安來射策。春明門外復相見，不惜黃金出游劇城南。花事何妨芳牡丹芍藥，與海棠楊花滿地逐馬尾。十日換卻金縷黃陶。

然亭子高出城坐望西山夕陽我醉題詩在高壁淋漓淡
墨時低昂坐使才名落燕市亦有旁人笑我狂是時與君日
游讌是時意氣誰不羨逡巡金馬門 天子不召見君也

歸畊南山田我尙長安市上眠夢迷不識江南路望遠愁絕

薊門煙十年游倦思鄉里扁舟依舊向滄海謝公亭前復見

君醉我笑斫鯉魚尾看花猶看昔年紅相向但憐鬢毛改乘

興招我玉虹名洞游平湖水綠生清秋船船打鼓鬪龍尾紅妝

照水鴛鴦羞我戲掉舟入其裏小娃三五嬌回頭我笑向君

復拍手相約明朝更載酒酒閒卻復愁蹉跎十年陳跡空摩

挲當筵話舊自歷歷可惜亦如東流波流波不相待促戚空

爾爲卽今握手不爲樂別離他日徒相思況復君家山水好

千峯雁蕩秀雲表明妝玉女笑向人下映空潭何窈窕且當
爲君十日留乘風東去觀瀧湫洞庭鷺黃天馬駒是時與君
同醉虛空縹緲之飛樓不知何處復有人閒愁

贈林恆軒

大格

二首

識子十年前心跡雙寂寞今年春草生握手忽如昨知交半
人實我懷轉落落竊念時世賢才華各照灼豪游影冠纓輒
語接盃酌在顏豈不親但恐肝肺薄而子顧不然遠趣寄寥
廓世情日迂疎儕輩雜笑愕置身流俗閒安敢隨唯諾野蓬
無東西孤松在崖嶠孤松千年姿野蓬吹作瘴時人非不賢
君子自有託

東甌古大邦星精散牛斗樂成山水佳英儁富淵藪我我王

忠文在宋爲耆耆我嘗讀遺書未忍卽釋手羣賢復聯翩道
術有先後冉冉二百年遂成下里醜榮名何足云斯文亦稂
莠吾子在人羣自拔出培塿能文久有聲作賦美無偶潭潭
天官書仰視辨箕柳其餘雜圖史伏案不離肘信知醞蓄深
光輝出黜黜誤述一家言披豁羣物牖坐令吾學昌出卽風
俗厚此詣良獨難自立亦何有肆言我知慚遠懷子毋狃

恆軒以詩見貽復答之二首

昨者風雨夜讀君新詩篇新詩何所似金石聲淵淵顧我於
此事竊嘗求其源昔人身抱道鬱積爲語言貞淫雖雜出各
自還厥根蘇李復開闢鮑謝多波瀾陶公及子建高義垂雲
天有唐雄韓杜傾瀝餘忠肝奇文各千載歌泣如相問往往

片語在感涕兼賢頑自從大雅替日覺文字繁近者夸毗子
尤甚鼃蛤喧折楊自唱和下里爭流傳竊嘗叩所學不出百
年前自來尊南雅六經無後先云何百世下作者徒紛紛
采蘭湘北沚采芝沅南洲芝蘭有同氣君子思良儔我生實
陋劣相與何其周昨讀贈我句璀璨珊瑚鉤刻畫及姬媼愛
極忘癡疣尤感期許過威鳳與驩驩顧我豈堪此才拙不自
謀八年客京洛絕跡寶霍游三年海外師文字坐相讐艱難
拜一職仍與俗吏侔來者不可必去者殊悠悠雖然榮名妄
在我貴自求昔賢類黯淡千載揚芳休但恨所學淺當此長
途脩恐爲流俗化終貽知者羞

蒲岐

荒城如甕盜負海藉屏蔽斥鹵阻長塘杭稻得輸漑十戶九
海食坐私蜃蛤利南風吹江腥歸潮集庖膾民遂厲來塵
市亦鱗萃承平逾百年氣色改彫瘵崇墉頽遺基榛蔓日傾
廢靡肱騰牛羊何處存埤堦勇夫拒重關設險甯無意惜此
盜賊衝鞠爲狐鼠隧我嘗升崇邱周覽極陬澌大江出滄溟
洋洋遠無際遙山若連鼇島嶼何誇麗白日行空濛蒼然但
雲氣豈無饑寒徒失業此臧閉況聞海禁弛奸宄遂狼狽武
臣氣猶驕高筵日歌吹亦有習流軍狂歌市上醉近者劫奪
繁不問但坐視粵賈與吳商粉身餌蛟蜃從來患孫盧厥性
巧狙伺窺舸高駝駭大帆不可制當時倭奴兵焚戮徧江汭
哀哀鬼洞崖

縣北山鬼洞坑明嘉靖中倭
屠城遺民避于此者亦被殺

父老猶歔歔奔鯨

戲波濤有時穴平地失險誰能攫
傍海折左臂幸尙思前規
我其贊末議

濮頭鄭氏樓望海

層樓出雲表勢若凌虛空
我來縱遠覽颯颯來長風
衣裳照初日彷彿朝霞紅
早涼方未已炎暑消無蹤
朱闌瞰巨海百里磨青銅
波濤忽洶湧萬水趨朝東
直疑煙靄外已與天河通
晴明海嶠出刻畫青芙蓉
白雲獨幽靜媚此天邊峯
高檣萬斛船長帆劃蒼穹
謀生走珠貝涉險何怱怱
顧我亦行役媿彼南飛鴻

大荆驛

人家萬山中山色長在目
溪流淡滌洄碧淨奪山綠
的皦暉

文沙瑀琫瀉鳴玉試飲一勺清中有龍湫瀑織蒲靜誰攀游
儵燦可掬坐此塵慮忘淵然子真谷何時鹿門君相傍結茅
屋

余至大荆主孟氏

大荆道中望雁山不及遊

行行近名山巖壑氣先異蜿蜿龍騰天軒軒鶴展翅爭雄互
跨凌角立無退避遙望嶽蓮開近覺瑤笥銳自茲及山麓尙
以十里計想見洞谷閒奇絕不可意我來人事乖苦隨車馬
逝涉遠違宗遊追幽沮謝屐飛瀑龍湫深煙靄石梁閑持此
謝山靈何時果來憩

暮度隘門嶺

客行迫巖程向晚忘息燕危塗出崇岡嶺路垂一線風至暑

氣澄谷幽石色變頽陽斂餘輝升霞燦夕絢崖開既西啼峽
迴復東眷新月出尙微明河遞隱見木末星兩三熟視目展
眩登頓前猶紆跋涉茲已倦但聞僕夫歎驚呼不可見雖無
豺虎虞柰此風露晏巢居爾何哀勞役我猶羨

倭冢行

離黃巖城十里野閒往往有土隆起如小阜鮑舜臣
云明戚少保破倭時所戮賊俘叢瘞於此作倭冢行
枯茅十丈黃雲愁鬼車啼月狐狸遊髑髏滿地萬倭骨天陰
雨溼鳴啾啾東南海患倭禍烈嘉靖年間事愁絕昆吾寶刀
鮫魚鞘短衣擁刃光如雪長帆大柁使逆風一夕已及松門
東得水自誇萬人敵亦有種苻其奪食鯨魚跋浪人血紅老

蛟穴地波濤黑萊陽都督真人豪八尺蛇矛紫錦袍天狼夜
落海水哭紛紛殺賊如蓬蒿妖氛已隨猿鶴化京觀還築鯨
鯢高深晴鬢髮閉奇鬼至今白日風腥臊嗚呼爾去中華萬
里外言語不通嗜欲異彈棋握槊兼擣菹日本真人朝官日本
足自娛百年老死蝸牛角柰何萬里行頭顱游魂骨冷不
得語但化青燐照秋雨今者亦有西南夷焚掠閩粵吳東垂
安得飛將能不虜生縛渠魁獻廟社卻搜窟穴千鼉鼉一杯
去築長平土君不見黃巖城邊倭奴墳行人猶道戚將軍

聽松圖

幽人空山居抱琴每獨往閒庭蔭疎松中夜有清賞泠泠風
微來謾謾月初上羣諠寂已閒久坐發遙想

竹林消暑圖

脩筠密交加，虛籟日搖漾。中有高人，居披襟坐相望。遠風有時來，白日不敢向。看君圖畫，新秋氣虛堂上。

同人集中子山茅菴遂登玉輝堂

宴坐玉輝堂，下見江水流。波濤日浩蕩，一洗人間愁。南山天台來，遠勢如蟠虬。羣峯各奔放，百里無淹留。登高試一覽，蒼蒼盈我眸。棲真有遺跡，傑觀居上頭。白雲自來往，赤松安可求。但看上路人，役役無時休。

拜水行

台州久不雨，土人禱雨者。祠龍取水，謂之拜水。俗頗妖異，爲詩紀之。

今年台州旱魃虐土人禱雨兼戲嬉萬人齊出從土偶鑄鏡
鉦鼓十丈旗兵械雜沓矜與戟亦有披髮行麻衣山僧道士
口嗚呼小兒圈頭楊柳枝云假神力取龍子龍王睡熟呼不
知深林幽暗窟穴露坐列瓶罌苦死祈靈物變化不可得或
致鼃蛤兼蛇醫捧歸舞蹈謂神降五步一拜聲嘻嘻遂呼太
守來屈膝令丞汗背紛奔馳旁人腹誹不敢議爲俗旣久忘
其非我初聞說心然疑乃今目睹還嗟咨焚巫暴疋古或有
於禮未合聖所譏恆暘恆雨有感召此乃變譴非龍司齋心
默禱理當驗兒戲豈足希天慈况復裝束貌獮惡長槍白木
肩相隨有時中路相要遮云奪雨工分雲師章安俗強本鬪
狠竊忍倉卒爲亂機禳灾救患自有道此弗禁止須何時君

不見一朝奪取河伯婦西河太守能滑稽

訪朱子六牖遺跡

文公昔駐節萬井甦瘡痍經營首畎澮寶此稼穡資至今有
遺牖時在人謳思我來亦訪古曠如親前徽仁人有樹立遠
爲千載慈但惜年代積往往成侈畝黃巖百里地土沃無崇
庠米稻一州甲遙瞻旁郡飢所恨江海溢漸爲斥鹵移況復
溝洫敗停洩愆時宜蒙昔長菱葑積穢棲蚘蠹漑灌旣無藉
膏腴亦易疲比遭歲屢歉豈云皆天災今年苦旱魃忽已二
月彌長河一勺水不沒黃牛蹄隆隆集龍骨有力安能施民
生恃本業哀哉亡其基疏濬有成跡鄭白無良規遺構雖在
目望古空長噫

颶變

月在丙申日丁酉大風夜拔山石走雌蜺助虐驅雨師海水
倒立長鯨吼白日不出光冥冥雷公遁匿安敢爭黑雲墮地
作昏夜空中似有蛟龍行野人婦女走且號驚絕屋角生波
濤南山萬樹高十丈一一拔去如秋蒿眼見室廬作飛瓦竊
恐性命隨鴻毛嘉慶始年風折木父老猶言無此酷何況風
轉勢愈狂天意爲災殊未足一夕欲瀉銀河乾萬里恐成地
維覆我聞自古聖明朝五日十日風雨調卽今

舜禹鳴

簫韶雨工颶母爾何驕得無有司自失職坐使萬室遭流漂

去年少饑民乏食已有搶掠禁未得

今年春開晴三日穀貴
秀民卽肆劫奪吏習於

姑息不之禁也今大水之後
明年三四月間益不可問矣今者禾頭一尺長千里不辨江

洋洋柑園芋田百無一山民甯知杭與梁況聞卑窪被溺沒
老蠟出水齧人骨貧民畫出歸無家或縛溼茅棲木末坐視
窮餓眞可憐竊虞流徙生戈鋌擬借官米百萬斛且暮解此
哀鴻艱幸完妻子無遠去忍待避麥看明年嗚呼安得有司
眞仁賢爲汝入言 天子前

仲弟韶甫分校禮闈余例當迴避戲作一首示舍弟兼

簡諸同人

丁未

河魚跳躍思登天未見龍門先點額同行魴鱖還相稽昨日
大言堪笑嚇豈知人事殊乖逢何況枯腸富荆棘東家勞勞
醜女鬻我自閔闕計亦得我嘗七踏槐花行汝亦三黜慚春
卿看名金榜心膽落卽有今日甯忘情翩翩鶴立一萬士賢

者豈止十倍兄荆山山民苦獻玉世上幾人能衛足願汝好
爲陸敬輿有才莫失李方叔

黃子幹見示北來途中詩卽用其題扶雅堂集韻賦贈
交游滿長安相見索汝急刺眼對新詩森若劍鋒入緩歌鮑
謝親高唱杜韓及同時作者多君殆才倍十尤喜寒潭篇語
清骨卓立洞心入虛無浮豔久已戢至人貴我言末俗乃盜
襲飾好徇眾歡往往喪其執與君闔澹心氣合若噓吸顧慚
舊學荒漸苦語言澀威鳳有先聲寒蠶爾何泣壯懷黃河流
高視太岱提終藉朝陽鳴一振巖穴壑

病起讀陶詩有作

陶公悅道者意與魯叟同勤勤責躬語渺矣義與農有時發

悲慨感激懦士胸達人憂樂諒矣非窮通阮放徒越禮浩
廢愁書空豈知好修士自得名教中於今翫章句聖遠安可
逢才華後世儒枯槁希遺蹤學道苟未至立言難爲工

爲人題圖

山閒有竹有屋廬胡人翦立松兩株冷楓霜染紛丹朱夕陽
墮地明室隅前有青草不忍除非蕢棗蔬其荃蒲草頭來啄
孤鶴雛馴不避人如鳴鳧彼何人斯斯安居年四十餘鬚鬢
鬚一童掃地能走趨一僮抱琴來于于漆紋腹斷蛇齟齬囊
之不彈有所須烏皮几與茗盃俱無事且讀人間書人不能
知聊自娛廣陵徐卿萊善贊善示我圖令我不樂思江湖

與漪君乙垣集法華寺分韻得秀字

迅商來何紆逋暑去猶留每念山林幽益苦車馬驟良知有
招邀芳儔集新舊招提雖塵間已與巖壑觀細徑趨靚深亭
館儲高秀喬松浮遠涼疎蟬激清奏嘉觴一以陶妙論乃屢
湊葵堇無同甘粵秦不並轅適理良所訢負俗亦何詬

次日雨霽至南沙河

昨來孤館寒坐聽簷溜積晨興窺前除皓然見月色疎星明
屋檐林表響殘滴僕夫喜可知夙駕向前驛稍稍雲猶屯亭
亭山如拭客行亦自佳膏澤諒未畢冉冉叢樹來雞聲遠煙
夕

夜抵汶上縣

夕渡汶水流流波鳴湯湯行人暮未已我馬元以黃揮鞭復

高隴前望多慨慷秋風日淒厲蕭蕭悲白楊昔人皆安在邛
冢徒相望功名旣代謝遺此豐碑長云何千世後來者猶皇
皇稍見城堞上寂歷餘斜陽濛汜忽已匿望舒清夜涼居人
閉土室復露燈燭光不聞旅人歎豈信居者臧昔賢辭徵辟
卑官亦回翔顧我乏高節辛勤涉遠鄉

元日二首

戊申

開歲始今日世人崇其名良辰起我早窗戶始微明上堂畢
嘉慶童稚有餘情蓬蓬初旭上洒洒林風清積寒與冬謝新
煦隨春生俯仰晨夕閒遞嬗甯有形人心逐時化遂覺氣候
更獨念素脩晚坐閱義馭征有來雖未已代易誰能爭
去歲有遠行行行指京洛風日媚良辰客懷轉淒索老親有

温言奮身事臺閣，嬌兒啼就我有淚，不敢落黽勉從舟車。
君門自寥廓，半載趨京塵，歸臥復邛壑，卻念送行初，惆悵但
如昨。今晨詎非佳，遂此庭戶樂，再拜壽高堂，一尊聚春酌，眷
懷天倫歡，真覺世榮薄。

至瞿溪尋仙人巖

放棹沿回溪，溪行忘紆曲，復遵沙岸平，遂造北山足，仄徑穿
脩榛，崖壑紛在矚，錦石皴霞姿，匠巧出斧斲，亭亭仙人壇，松
風晝常肅，危構抗層雲，開窗納林麓，我來試憑闌，下瞰空潭
綠，似聞羽人徒，白日走蒼鹿，盧敖海上游，何年此棲宿，珠樹
秋未花，瑤果幾時熟，洪崖非我期，隱者在邁軸，高詠左思篇，
清風矯煙鶴。

文信國公宿中川寺詩墨蹟葉縵生索題己酉

錢王還汝十四州一舸海上貽孫謀眞州訛言驚丞相麻鞋
甌駱來相求高皇日角照江嶼百載孤臣泣杜宇天意卻反
厓山風但有丹心在萬古天生宋瑞本奇才中興碣石柰蒿
萊銅駝南國空流涕白雁西風亦可哀

曾竹史作生壙於松臺山爲圖徵詩爲作長歌

百年骨肉終返土牛山涕泣空如雨陶公作達索挽歌醉倒
青山便埋汝松臺山石多白雲松子墮風日夕聞幼輿巖壑
甯不好但惜筆妙如右軍竹史以善書稱東家破產買金谷豈識邱
山本華屋造物以我爲拘墟獨有子輿能破俗生前相遇更
銜盃君家高樓醉幾回白楊呼風向隴首佗日我來能酌酒

在貢院遇黃二子幹自云居北極菴出闈尋之不得聊

簡以詩

庚戌

萬人闕棘闈相向驚執手暢然歡平生但惜貌老醜自言與
僧居近在我巷後令嚴有所歸立語未能久文字竟三場洗
面行索友闕門佛笑粲問君乃無有復循來途歸惘惘屢回
首自我與君違徂申更歷酉胸閒有茹噎耿耿欲出口況復
新多詩各待可與否害不突如來無事或飲酒

連日出門唐子實

啟華

彭子穆

堯昱

兩相過皆不得見

雨中簡此

登車先晨昕歸及月出皎冠纓走索人我馬行亦好紛紛楚
大師下拜首猶掉 君王開明光東馬羅國寶孰謂辨清

華得此無事擾故人城東南文字日蒐討惠然屢我來自恨
跡如掃邵侯昨獻箴勿學趨走巧同心此數人豈得異懷抱
泥塗塞門前咫尺沮回潦有酒復能來君視朝日泉

至揚州與仙屏別

扁舟下長河乍見遂成故日日落檣帆對我誦奇句三宿符
西亭離愁挂煙樹客行各思歸安得同征路金山塔鈴聲聞
且當早渡君亦泝江舟潯陽更西去匡山五老峯昔人讀書
處知君能相思蒼蒼向煙霧

葉田書來述勾漏山之游卻寄一首

辛亥

昔人世外心每逐松偃跡丹竈有頽基大藥甯可識今子屨
登臨未恨煙樹隔眞仙去千年飛步想金液五斗猶遺榮念

子復行役

林若衣縣丞勘災句容爲圖索詩

昊天昔降凶，災民實痍瘵。河魚水上來，蛟龍市中戲。
天子哀痍瘵，大農停轉饋。傲吏酣黃綢，奸胥用胸臆。
徒飽輿臺軀，不堙寡婦淚。君官始丞耳，疲精力王事。
今觀流民圖，發我無限慨。蒲葦路縱橫，濤波晝茫昧。
方舟不可行，乘盆往履視。向來闕陰幽，乃見白日霽。
稷契盈朝廷，孰與黃屋慮。安得如君輩，羅列使碁置。
庶幾假精誠，萬一蘇災沴。堂堂先大夫，愛知

成皇帝至今三輔民說尹猶下涕

君祖敏齋先生爲大順廣道時

以荒政得名

況君爲蠶經

若在嘗著蠶說

卓然根本計，讀書思濟人不異。勢崇庠威弧，指南荒吳楚。籌儲積宣防，亦未成流民擁淮泗。

切思撫字才速挽理平世作誦不爲諛勉矣後當繼

人有得枯木根如獬豸形者應仲山學博索予詩

沐猴施高冠宛轉相媚媚朽株枯無知乃有觸邪志陰壑鳴
哀湍風霜久凋棄未與般倅逢已見頭角異白日升扶桑山
精出遊戲峩峩槐里郎曠絕不可繼致身思明堂眞骨宜國
器爲玩几席閒碌碌匪汝事

元日桐廬放舟計薄暮可抵富陽

壬子

晨光朝未熹晴雪有先炯長年習江寒早起移我艇客行逐
良辰歲酒晨已醒解駁初陽升篷窗納新景前山遠迎人刻
畫出諸嶺數日桐廬城煙霧苦未屏及此新歲晴甯憚川路
永梅花九里峰雲端屢矯頸高齋項氏翁相見燭當秉觚山

時爲富
陽校官

二月二十一日至都吳氏叔姪先爲子賃屋於宣武門

外香爐營四條衢作詩示妻子

于役遡嚴冬荏苒及春半我行厭山川况彼僕夫困自從登
齊郊車馬昧昏旦朝起雞趁人夜宿馬悲棧卻顧道旁棲輒
動勞者歎今晨憩皇都城郭倬雲漢新居城西南灑埽藉
親串手弄庭樹疎仰聽鳥聲亂久客脫塵埃快若投里閭妻
孥坐相慰燈火夜向晚回思跋涉煩未覺笑言晏榮名信爲
勞既往安可諫

金岱峯廣文

在宗

寄示入畫樓次韻詩憶己酉之秋余

嘗飲此主人索詩今四年矣未有以報輒爲五言一

章寄答岱峯並示曾氏主人更索和作

層樓昔張飲秋洗千山煙晴珠落湖水仰見明月圓夜深露
氣浩人靜風冷然酒闌客亦倦四散如奔泉主人索題句爛
漫不成篇生長山水國清景安足憐半年金門道高塵交馬
前東南一回首山輝水澄鮮昨聞子瞻游亦頗思青蓮西風
吹秀句梅雪明當筵相思託飛鳥高興還騰鸞浩然本高詠
裴尉亦能賢尊前倘念我清詩投聯翩

爲陳小鐵

元祿

題受硯圖硯海昌陳文恭公物句山太

僕得之小鐵攜至京師已而失之乃爲圖徵詩

陳侯不見十年餘今晨得書示我圖河干櫛竹急手版苦憶
舊物雙蟾蜍百年詞科富文史至今斑斑在孫子投筆徑去

眞自豪不見東方飢欲死寶劍化龍延平津何時管城猶策
勳生綃一疋萬竿竹想見揮毫面如玉時危會須籌策良漢
廷丞相刀筆郎一官塵埃人莫忽陳侯家有魏公笏

大名高寄泉廣文

繼珩

於津門市得小銅印文曰莊光

私印以爲漢物索余詩

羊裘不識何姓名千年螭扁銅花青廣文先生苦嗜古徵詩
及我非無情寶氣徹天斗牛紫何時淪落析津市煙雲過眼
金谷園故家豪富如覆水廣文以爲舊物眞人龍起赤伏符良相
猛士爭先驅子陵咄咄不相助人云氣節開東都當塗巍高
瘞銅虎一片黜蒼猶出土莊光私印繆篆摹豈亦有心傳萬
古廣文得此什襲珍自云不妄知其眞扁舟我昔泝江瀨屹

屹高臺自千載卽今姓氏有神靈
土花苔葉餘光晶尋常那識雲臺
畫咫尺如瞻處土星

猗君養鶴圖

先生七尺不自飽那有琅玕餌
仙羽歸昌節足寂無聞錦石
秋花相向吐池塘水滿菰米肥
雁鴨鷓鴣逐隊飛故鄉千里
青田遠何處期君種玉芝

遜學齋詩鈔卷第二終

遜學齋詩鈔卷第四

瑞安孫衣言琴西

古體詩四十八首

正月十四日

陵祀大雪簡同館二十四人

壬子

千乘萬騎霸陵園 帝遣賢王恪春祭從者如雲太史公
文物趨蹌豈留滯城闐西去山蜿蜒掉尾太行屹蒼翠馬頭
連日飛玉沙海上蓬萊望不至高官大車八尺龍吾輩雞棲
逐餘騎民家覓宿隨昏鴉一日兩餐且疏糲溼薪爆竹燎衣
裳抵足牀頭尙能睡平時坐食偷太倉聊借微勞相寬貰庭
燎朝耀來祠門鴻臚九賓儼陪侍雪中拜跪無愆儀濟濟詞
曹肅從事九天松柏望蒼然鳳翥龍蟠鬱佳氣孝文有道傳

今皇誰識微臣暗墮淚

十五日雪霽

陵祀歸至涿州示同行諸公

連朝大雪壓馬首敝車垂帷蔽新婦祠官卒事遂卻回我馬
元黃雪中走漫山彌谷萬梅花不信枯榆傍禿柳晨暎初出
東方紅萬里清新息纖垢羣山突兀盈我前異境乃疑天始
剖坡陀曲折隨淺深刻畫豪釐出匠手昨來惆悵溟濛閒誰
識天心相報厚前村投宿趁夕陽自澆前勞滿酌酒作詩火
急追亡逋明日風塵六街口

潘舍人補之以乞竹圖索詩

阮生林下居近傍遠公屋春泥新雨過數竿斲山綠清風有
時來煙色淨如沐相思梵放餘聞鐘在空谷

吳教諭本深敏樹以密雲萬厯紀功碑詩見示和作一

首

丈人雄歌詩我羨風格好昨爲塞上行登高發奇抱太行龍
鬱蟠長城古時道堂堂賊將軍穹碑屹秋昊薊門三邊雄山
河實國寶當時控林胡衛霍有電埽猊猱啼九疑三年困征
討岳陽負重湖江漢信所保誰令藩籬空一死亦草草況聞
三吳民近復破肝腦羽林萬貔貅逍遙河上堡設險昔已然
孰爲國元老緬思萊陽豪威伏海外島君多鄉關憂我心亦
如擣時危信才難相向首蓬葆

黃子幹揀發湖北知縣索長歌爲別

漢江鴨頭醱醅似新作陳陶澤中水世人裹足君能行慷慨

居然報恩子君本白面一書生吟詩作賦皆有聲看人上書
獻天子告身銜袖趣治行昨披席門來取別馬尾楊花
飛似雪歸鴻日夜向北來燕子離亭各愁絕武昌江上多青
山黃鶴高樓指顧閒槎頭斫膾洗冰椀一杯差足開心顏卻
念流離綠林後空村白日豺虎走此曹烏合不足平王喬祝
良今何有翼遂短小明經儒盜釋刀劍持鉤鉏國家親民擇
令長黃屋安坐佗無虞況君五車富文學豈肯納調如流俗
莫鄙吏事非詩書但使民生再純樸不才四載隨朝行未能
開口陳虞唐眼中之人有吾子豈慚文召與卓黃堂堂尊公
我嚴事先帝年間實建議當時恨失侯官林文忠公有
志未伸君其繼今君去矣行良圖日下故人橐筆須樂全先

生亦安居早晚相期赴璽書

寄畬陳抱潛

元祿

去歲聚長安十載車轉轂朱陽行赤塵雨汗走相索酒樓金
錯盤冰片疊寒玉元談來清風坐對一尊綠邵侯西位亦在坐
靜使游氣肅官事促上程一別日月復卻念眉間春益苦所
見俗邵侯走河干人海遂幽獨賴有君詩篇足資數月讀玉
面冠軍侯鷄鷄佩彫服未要治春秋堂下磔鼠肉今晨貽我
書頗似賈生哭七尺猶塵埃何術貢黃屋東方執戟郎諸生
相笑辱臯夔有嘉謨下士苟微祿但可平生交醅酌日相逐
君期朱櫻紅已諾慎毋宿

文徵仲小楷千字文墨蹟爲八十六歲鐙下作許仙屏

屬題其後

衡山幼苦學書拙晚與吳興遙埒名此卷諒非門下屬細筋
入骨毛髮精儒官學生醉吐盃兀坐千文寫十本蠅頭楚楚
八十翁想見鬢霜一鏡近許郎善書鑑別真黃金收得玉麒
麟高人用意世無似腕下豈獨羲之鬼清風尤憶卻金亭扁
舟屢過長洲水

送俞蔭甫樾別

吾子能文章雲閒墮鳴鳳搏泥諧金石廟堂發奇弄兩載觀
皮毛相遇第如掬溝水俄東西笑談復誰其中原方鬪爭外
閩屢戲闕高堂白髮親衰年惡驚恐且返五湖居近就魚筍
供九天奏雲門諸山獻銀甕盜賊不足平皇綱自得控鋪張

俟雄文旦夕出菰葑

蔣霞舫前輩

達

招集龍樹寺以事未去有詩索和奉食

一首

念子招提游拂席蔭清樾坐久林閒風遂見雲際月棲棲我
何爲驅車向城闕嘉招期夙來及是恨疎闕夕露皓前庭流
螢點幽閣裁詩聊和歌亦用寫飢渴

霞舫招集龍樹寺以事未往少鶴同年詩來卽次其韻

招提如空山支許躡前迹大槐立十圍蘄竹展七尺甘擘瓜
心黃冽雪藕膚白酒力能爲豪詞鋒不可抑子通意慷慨阿
戎俊難得塵勞有乖迕良會深足惜吾輩且高歌四海今蕩
析兩君悲蒼梧幾載困狂賊萬室紛號呼高牙擁玉戚消涓

遂橫流俚無與適元戎出三公虎士擁千百軍行六郡良
氣驕萬夫特衛李方自今爽鄂徒在昔三年征鬼方孤城謬
奇畫遂令憑江湖坐覺異主客吳楚無堅墉 堯舜有憂

色書生自豪宕一官立四壁夔臯方盈廷終賈乏長策且呼
高陽徒幸免閭左役悲歌隨涕洟同調媿匏革

王定甫戶部

錫振

張海門前輩

金鏞

皆與余前後舊

喜過從有人復次前韻簡兩君子索其再和

羲和鞭飛輪古人去無跡我輩搏風沙昂藏復七尺朝來清
鏡中又見疾鬢白安得就樊籠輒復甘掩抑農曹論天下雄
筆不可得翰林宮錦袍毛羽自愛惜膠漆深相投蠖蛭不自
析但恨思家鄉各畏逼山賊桂玉兩蕭條詩詒對悲戚長安

萬蜂房車馬各有適後門珠履千前庭赤芾百而我黜其閒
蹤跡實孤特牀頭萬卷書自云嗜古昔吻鳴聲彌悲手膩肚
猶畫何意萬人海有此好主客王郎許開樽新斲動春色張
侯接屋居燈火鑿虛壁苦營千載名坐做一寸策鴟夷能滑
稽蟲蠹徒勞役投詩博笑粲相應仁絃革

許仙屏考得八旗教習戲賀以詩

許生廡連城十獻不一售雞毛吐皇墳蟲瑯樂淺就莘莘明
經官儒重藉教授何況豐沛郎王氣蔚清秀抗顏五經師痛
洗俗儒陋姬周造六官教典兼國畀人材不外求四海可俎
豆嬴秦鑿天機聖法墮榛垢漢後三千年區區一綫留閑尤
遂成今孰肯追古舊我昔居四年海童立猿狖但坐議論高

頗爲博士詬大師譚文章諸生能句讀哀哉聖人門積此末
俗謬君才如龍麟未可狎池囿且劬魯壁書或有石渠奏

七月朔日飲海門齋中復次前韻

會稽吳東垂風萍聚新迹天星婺女牛相望本咫尺一旦追
雲龍應答若甫白高期古人前不受世態抑朱查二百年此
士遂難得夫君太湖精我爲天下惜明珠能相投太璞不獨
析復有王東臯短衣昔辦賊傾身活壯士是係國休戚歸來
萬首詩往往鄙高適我居兩賢閒才名下十百玉尊梨花春
相召慰幽特人倫徧當世高議準古昔有時腐儒談欲參君
相畫但恐驚兒童腹笑此惡客北斗垂屋檐銀河耿夜色癡
奴立屏風倦睡頭觸壁且自酣今宵于世孰長策螺贏匪能

豪驥亦形役回頭望狼弧何日埽金革

張中丞祥河道光初爲軍機章京嘗扈從木蘭有餽生
鷺者棲之駝背以行道中鷺鳴

宣宗聞而笑

之旣復載鷺以歸爲圖識其事中丞今撫陝西孔繡

山舍人憲夔索爲詩

鴟鴞莫作籠中誚曾在屬車博

天笑當時文物嬉承

平點筆流傳都有情肉峰戔戔錦奩匣立馬秦城若臥榻淮
南盜賊驚西京夜深宜聽陂池聲

孔繡山三世受經圖

君家壁中蝌蚪文千載學官尊鼻祖口授不愁脫簡多九十
濟南伏生女太常文學成晉儒劣能上車問何如孔鮒元孫

今博士莫愛淮南浮辨書

立秋次日與海門飲定甫所次定甫韻

秋廳昨入虛壁空驕炎已澹爽背痛王郎無事但召客我雖
不飲亦屢中四筵角辯謹方縱一士躋門意似桐塞侯盜金
虐相弄子輿殺人驚發癡乍聞幾欲投杼逃兀坐不受同舍
鬪擊手深盃強我嘗聒耳新詩向人誦果然白璧辭青蠅豈
有清輝墮宿霧房相自遺陳陶哀左車不爲泚上用奇謀未
效玉鈴經流言幾兆黃金夢急須呼酒來壓恐不然有口誰
敢訟門前月露涸林淞堂上燭花撲坐重鄰雞粥粥東方明
上馬各策朝天鞵

雨中與海門就定甫飲復次前韻

十日雨無一日空蛟龍已切故鄉痛天河倒注不洗兵

時聞浙江

大水吳中霖雨彌月

王師三年擊未中街頭騎馬苦難縱躑躅泥中僕

夫聊就同巷求我弄一石不辭酒後癡張侯館閣今年

留滯已畏少年闕無事但從犀首飲有詩卽向杜甫誦我亦

一官走塵土南望羣山墮雲霧平生讀書活斯民屠龍學成

不可用季鷹八月思純鱸范蠡五湖急歸夢行犯寇盜脫驚

恐去爲鄉鄰決爭訟看君傑直趨朝淞於世不知何輕重一

樽且盡今宵歡明日或掉千里鞚

時海門有歸志

定甫屢召子與海門飲而予未嘗一治具也定甫次韻

見督戲禽一首仍次前韻

王郎作詩妙鑿空氣橫不畏嘔心痛齧牙詰屈窮轉豪有似

善射誇百中，鯁生乏才喜。寬縱孱懦，屢苦秦人恫。今復投詩
雜笑弄，讀罷汗雨解。風癡報章火速走，長須漢東隨。大與楚
關無酒當，就孺人謀得句。且令稚子誦出門刺，眼西山青一
日金風捲。晨霧水衡月，稟來大錢當時方行不送酒家復何用。
連朝蹴蔬君家羊，夜睡每驚藏神夢。胡盧謬作折項，恐君有
腹誹不敢訟。張侯歸鞭指霜淞，勸君莫憚開筵重。每食頗思
幸舍魚，無車更借黃門鞵。君召飲每承以車送迎

招定甫海門飲，適問閣部

勝保

將軍

託明阿

破懷慶賊

喜兵威旣振蕩，平在卽仍用革字韻各賦一首

簪珥趨東華，軒車日合迹。故人兵閒來，大袴劍十尺。一官並
朝班，方寸孰建白。自從三管闕，物論屢摧抑。盛名覆陳陶，旣

往諫未得天險湖長江拱手棄可惜三窟蟠吳郊諸將勢分
析雲中老魏尚氣足吞猶賊孤軍懸嚴城孰與其焦戚笙歌
廣陵潮莫府日讌適豺狼遂北來及關路數百九重知
將才度外擢瓌特坐覺臨淮軍士氣改宿昔頗聞轉戰前屢
乘廊廟畫果使天誅申喜動坐上客書生立奇功猛將亦變
色建瓴向東南餘蘖詎牆壁從來用廉頗聖主有神策
其荷養士恩幸休征戍待鋪張萬歲永偃革

黃節母詩

節母刑部某之遠祖母初寡時爲族人所逼攜三孤
避居山閒有伏虎之異

鬼車覆巢蛇入穴黃鵠哀鳴兩翅折呱呱者抱負且攜回首

故枝眼流血精誠豈徒伏山君丹心鐵石天所聞三遷莫負
孟家母駟馬今看廷尉門

周采三運同

曾毓

藥草山房圖采三入都謁選其友人

陶君背臨文徵仲藥草山房圖以送行蓋招隱之意
也今采三與余比屋而居亦思歸矣出此圖索詩

東方公車不自憚喜畫滄浪數水石丹青弟子陳白陽澗碧
山紅紛可識吳中文采猶斑斑今日周瑕自掩關試誦故人
招隱士知君愁憶洞庭山

初入史館作

四門談史輒色變今者遷固何其多上堂朱墨坐雲霧左史
右史肩相摩太倉食米盡十斛便許校書入天祿承明職司

令我慚或有下士守寂寞大師祭酒稱老儒奮筆似學東家
書豈無缺陋襲訛謬氣嚴不受人支吾姬公生知造周禮吐
哺朝見七十士神堯拱默臣予知嗟嗟此風何日始

祭竈

棠梨飢座焚麻棗杯酒爲神作祖道綠章奏事去朝天驪駒
在門時日好嬌兒學拜聲牙牙黠婢偵伺頭鬢髮一年容易
復今夕喜得棗栗分糖瓜三載君門度嘉節故山回首隔風
雪家人笑語燈火春豈識天涯嗟久別猛蛟毒鱷憑江潭鄉
貢不到吾州柑豈獨玉食無顏色霜熟黃金神所甘神乎帝
前儻得請爲我洗兵甦東南

都中祭竈俗尚春橘春橘温州柑也每年十二月祭竈前我温

賣柑者皆來今年遂至絕無

除夕有懷南屏廣文卽用其留別四詩韻

先生學屠龍騎牛落人後儒官無寸權文章固富有數載隨
公車閉門娛白首誰能效侯芭相過卽攜酒

梅翁文章伯與君若牙兪論交復項舅歸去各何如江國狐
兔穴山城瓜芋區獨絃不能御愁視南飛烏

匹馬送行人馬嘶柳條亞我親雙白頭歸省未得假烽煙塞
長江王師久不下相望洞庭船坐漁棄高價

雪已晴滿函高文展我嗜所恨千里途獨醉遣無事學晚年
崢嶸明日已及四相視望季涵直言我能識

君集中與楊同
年蘇珍書二篇

樣切直有
益友之旨

從定甫假山谷集定甫遣人送書并以詩來卽次其韻

詩家疊壘雉畫地北落南維據方位子美退之迨元虞江漢
分行源相似蒼松老崖石底江近者尤嗜分甯黃中冷泉水
煮苦薺頗似喝中飲清涼東家戶曹我同年詩比子瞻猥我
賢更致佳本資點勘洗眼飽對晴窗偏

得仲弟書寄答二首

我弟甯親歸 帝命行連鄉兩載從王事乃在父母芻詩
人歎啟處誤恩非所望頗聞牟蠹去民氣蘇以揚此事足報
國匪獨完善良尺書屢催促軍興急輸將但恨水潦後亦未
甦疲傷民力不可盡爲國思久長

詩廢采蘋章新人聞賢美出身書禮門良足視娣姒斯千皇

王家酒食猶所議言行有物恆中饋无攸遂我惡彼婦人相
夫用小慧癡兒亦將室汝當開以誼相從絜酒漿令我父母
喜

得俞蔭父杭州來書卻寄

君昔御母行別袖不可挽相思勞夢魂江介箭滿眼書來慟
我心長涂識慶善十口犯烽塵今已妥舍館想見父兄閒言
笑日晏晏不才猶官縶朋懽半星散報恩旣無能謀生亦足
赧大盜久未平國論等戲幻衣柳不救濡何況聚諧噉史臣
卜筮流
聖功幸論纂慨念文景初儉德照編簡遺恨
彼姦臣兆亂成禍本時子在
閒厥罪不可追豈聞舜重華尙復庸實錄館編集
九重日減膳辛丑壬寅開海上撫夷事三江五湖

諸公孰補袞洛陽賈人兒均輸用平準是誰司度支先自閉
卻窺青蚨不能飛白鹿猥薦瓊昨者散春糶未覺回妍煖人
人懷夜光不足謀一飯竊恐南征軍坐令士氣短東方與侏
儒那暇校飢飽吾子棄官去山水恣凌眄西湖春雨餘千峯
碧深淺江魚不論錢崖花行可塞孺人芼羹湯稚子洗酒觥
日飲但無何無地容憂懣狂言爲報章聊資一笑莞

葉潤臣江亭看山圖

江亭 帝城最昔者我屢上同時山王徒杯酒極游賞西山
太行來相向媚簾幌蹉跎十年餘蒼翠自如曩撫事驚流光
斯人各何往戰塵隔家山遠望日泱泱高亭我目中欲往憚
輪鞅

唐根石前輩

王森

初入諫院以詩賀之

我相天下才抱器納沈穩吏能鋒穎生所患撥其本唐子嗇
語言劬書聲在吻有時就我談論事舉端窾是堪司王聰爲
國慮幽隱 天子用諫臣方州日袞袞呼吸成利途人心
蝕已盡黃鐘久不鳴大音閉龍笳隨衆拾毫毛孰與事加損
願爲鳳朝陽儒者有標準

柳貞婦詩

姓章氏蘭谿人

平生權葵江苦愛江水潔兩涯莠蘭莊因風散馨烈豈乏淡
蕩人近聞寒女節童駢閭巷閒事卓敵豪哲孤行求所安干
古有合轍劉歆漢石師改面向新室讀書獵浮華不禦權利
詠我欲倡斯人善事心始發堯言舜衣冠寒女亦顏熱

孔繡山將聚羣經於 廟庭而名其堂曰致經爲之言
者無慮百十人皆斷斷於馬鄭程朱之間予以爲皆
未窺其本也爲發一義以質之

公孫智識時六籍始名藝讀書雜功利狂流遂千世
末孫海內數華裔少亦好文辭擇術今頗悔發憤羅羣經
哉此立志經生日多端漢宋樹二幟程朱有遺書功不後格
致卽論漢經師亦豈盡碎義黃河下昆侖九派徒分異我舉
聖人言博約不兩事俗儒厥禍同畏難各趨易與君皆中年
幼學况荒廢且毋謬其途來者或可繼

瓢城餞別圖繡山索詩

孔生廉吏家先德在人口今晨示我圖令我蘇疾首斯民禱

中兒各自投其母云何剗白刃鋌若鳥獸走郡縣布九州騎
從腰印綬赤子盜庫兵是誰司其咎

六月二十一日歐陽公生日同人集祀林穎叔工部壽

圖齋中分韻得蒼字二首

蒼
宋亡六百載畫像臨此堂生晚各相慕百拜羅酒漿歐公三
十七諫府十拜章已欲佐韓富康國綬西疆今也二三子並
仕年各強我官雜卜祝諸君或曹郎有言不能發負此雙鬢

治平初卽昨光獻垂衣裳歐公蹶始起輒正國論狂回首旋
罷去氣節今堂堂丈夫或得志偉軀須髯蒼入朝置几杖談
經傳先王相戒說温室哀哉漢孔光

中秋同海門穎叔集定甫齋中分韻得一字

相從盃酒閒久矣曠月日今宵登君堂令我愁思失秋河耿
長天銀盤爛金闕浩然清輝閒豈意有戰伐南方豺虎邦君
爲女嬰泣我家在江湖音書亦久絕明月海上來清光本不
隔歸鴻日南飛何以有離別舉杯各盡醉所感諒匪一安得
美情懷相與陶嘉節

十九日招海門穎叔定甫飲定甫以魯直臥陶軒韻爲

詩二首余亦繼作

揮盃候明月久來我窗虛堂露氣浩如舟浮煙江狂歌醉
脫帽大叫行遶牀憂時忽墮淚悲喜難爲雙揭竿雖嘯亂五
鼎先迷邦恨不兩磴之一矢彎由逢卻念空復爾雙鬢行垂

霜盈盈耿河漢澹澹傾香缸有酒但須醉一醉百事忘

穎叔不終飲以事去復用前韻問之且索和

赤虹吐華燭色欺月在窗高談出酒膽百川輸河江林王妙
筆札日扶尙書牀張侯我同官相對雲鶴雙有家皆湖海斗
牛嗟鄉邦飛鴻不得去馬鳴鼙逢逢林子中筵起上馬拂鞍
霜豈就酒徒飲棄我芳蘭缸責言出奇句速和愼毋忘

十九日小鶴海門潤臣招爲東坡生日得曲字

翰林仙人人棄之使飽湖光飲山淥生年自與潮陽同終古
南荒兩祠屋長安歲晚不自聊牆西詩翁酒初熟中堂畫像
白鶴峯何況當時面如玉平生所學不相師自愛天人絕羈
絡作詩戲爲江夏黃知公愛聽南飛曲

海門屬題其先祖贈公登泰山圖

高人拄杖日觀峯南望吳門見白馬張侯袖中先世圖苦憶
家山守官下張侯官貧非天窮作詩清妙有家風他日相須

陵絕頂世閒得失任雞蟲

時海門京察不
記名故及之

殷譜經前輩

兆鏞

入直上書房與予更番授惠邸諸子

讀不十日升學士殷故與予同在

實錄館戲

賀以詩

左史右史同殺青儒林丈人來譚經東方未明起趨星僕夫
吁矣馬項鈴昔何偃仰今何營行行相避尹與邢一飛看汝
翔青冥我騎土牛行伶俚安能追汝天馬駟翰林學士居頭
廳典誥聞有漢遺型匡詩張論發新鋤立朝議論當可聽但

勿與我爲滄海

譜經以讀書修史圖索詩卽送其典試陝甘

上車不落稱著作自此六經東高閣史官卜祝兼俳優無怪
積成風俗薄長身白哲古書生兀坐雙瞳秋水清龍尾硯石
鼠須管見君此圖真眼明三年柱下同秉筆近者又並金鑿
直豈獨賈生稱傅才更許敬輿能活國卽今持節向三秦遺
蹟西京事事新好取奇才獻 天子他年猶用讀書人

歐陽公生日同人集祀穎叔齋中分得水字

形骸金石兩難恃人世光陰若流水水曹召客已再舉回首
隔年一彈指何況遙遙古與今獨仰廬陵薦芳芷夷陵舟中
昔自壽憔悴清吟和山鬼四十頽然白髮翁不信須髯猶奇

偉尙書諸郎湖上居六月荷花如鏡裏折荷注酒數醉公位

西言之尤清美

歐公畫像故在軍機直廬邵位西嘗有公生日燕客記

但恨語繁漸駢

枝未免嗜好猶文士昔公嘗謂無黨文禽鳥好音飄風耳酒
閒相視欲破顏今日廬陵知誰是我輩官閒身各強遭會時
艱須論理歐公昔慕韓退之或者他年亦視此

送海門典試山西二首

官貧逾十年朋輩雜笑侮自分終塗窮相對屢酸楚今晨讀
詔書喜色動眉宇求賢國樞機三晉況雄府先王禮樂
儒庶幾拔十五斯民憂役車豈聞弄矜弩得無州郡橫苟且
逃水火爲語賢大夫用猛我未取

時官賣鹽陽城民相聚爲變

相如賦凌

雲昨日動漢主使歸必前席爲民言疾苦

同年王戶部接衙居西東君來若三星燦然森當中有酒卽
相召詩成坐生風往往秉夜燭月落忘晨鐘王程何促迫駢
虛亡蠟蜚別離不足惜獨居成疲慵常山西北來赴海如蒼
龍掉尾扼句注昂頭迴居庸登車攬形勢萬古羅心曾歸囊
富奇句爲我吟從容復當相從飲酒熟梅花濃

遜學齋詩鈔卷第四終